



Sabtu, 17 Oktober 2020

Ogen: Kejadian 9:8-17



"Tanda Perpadanan"



Kata Lockdown seh kal populer i bas masa pandemi covid 19 enda. Ertina eme kita iharusken i rumah saja, lanai banci ku japape, bahkan erdahi, sekolah ras ersembah ntaah pe kebaktin kerina enggo ilakoken i rumah nari. Piga-piga kota bas Indonesia enda pe lit si nggo erbahan lockdown bas kotana. I bas renungenta arah Kejadin 9 enda nuriken kerna Nuah ras jabuna rikut ras kerina rubia-rubia ras perik-perik i lockdown Dibata i bas kapal si enggo isikapken Nuah sope banjir mbelin reh. Banjir si mbelin e seh 40 wari dekahna, tapi seh maka kerah lau e lit dekahna lebih kurang 190 wari. Adi siukurken secara doni, situasi pandemi covid-19 gundari enda nggo membatasi ruang gerak sehingga erbanca mau tidak mau kita harus me lockdown dirita secara pribadi. Bagepe adi sibandingken ras situasi Nuah paksa banjir mbelin e reh, ia harus me lockdown dirina, jabuna, rubia-rubia ras perik-perik i bas kapal e. Tuhu tuhu la banci ndarat arah kapal e nari, kerina ilakokenna bas kapal e nari.

Enda banci si gambarken arah kegeluhenta paksa enda, amin gia korban covid lalap ertambah tapi melala denga jelma si la mematuhi peraturan pemerintah guna membatasi dirina ku darat. I bas situasi lockdown si ilakoken Nuah ras jabuna enda nuduhkenca man banta, Nuah setia ras patuh ibas ngikutken perintah Dibata. Selamat ia rikut ras kerina si lit ibas kapal arah bencana banjir si mbelin.

Nina Dibata kutamakan bentehangku ibas embun. Eme tanda perpadanenku ras doni enda. Dibata la pernah ingkar arah perpadanenNa, IA setia. Dibata pasti nelamatkan kita i bas kerina kiniseran si reh man banta, emaka begiken ras ikutkenlah Padan Dibata e si ipesehNa man banta. Tanda perpadanen e banci reh arah kaipe, emaka nggeluhlah setia man baNa sabap IA ngenca ngasup nelamatkan kita i bas kiniseran kegeluhenta nari.